

楊文恪公文集

揚文恪公文集卷五十四

寧海潘穎校

後學陸時泰

朱旦冕編集

碑誌

簡菴江公墓誌銘

弘治壬戌某月日簡菴江先生以疾終于家春秋七十是年其子宗登進士第觀政大理寺訃至京師解官奔喪過南京持其同年進士張元春所爲狀泣曰孤不天將以明年癸亥某月

日葬我先君于某鄉某里祖隴之次其爲我銘
之先生予里中前輩予少讀書處恒與先生受
徒之齋相鄰知其誨人勤甚嘗大暑中窺之見
其張燈講解揮汗不輟一時宗族鄉鄰子弟賴
以有成者最衆若其從子郎中潭撫官甘琦其
尤也先生二三十歲時屢游場屋其後始絕意
仕進五十以前教學相半至暮年始謝遣生徒
與志向年齒之並者結會賡詩而已蓋不知其
歲月之逾邁也邑賢令劉璚飲鄉老于學宮延
其書敦請先生亦往赴之平生經訓束脩

先生非分之望不存念慮爲人恬靜
穎異書經目卽成誦別號簡菴諱縣字
益德其生在宋有諱御海者任招討司官遂以
官爲家居豐城音聲菴之南禪湖招討至先生
凡十世曰文輝曰永崇曰序洄其曾大父大父
父也連世有隱德先生配席氏子男二長即進
士宗文行卓然發解南省俱在高等次湍邑庠
生爲舉業有聲文一適同造孫悅先卒孫男輒
輒先生二子皆躬自教成惟歆湍治易以非斯
專經令受于予追惟先生爲予壻所敬慕而進

士予所交也庠生又從予游也銘何可辭乃銘
曰惟士何職仕教兩端仕難取必教亦所安吁
嗟四民靡有素餐矧號爲士嬉游其間天地一
壺龍門所患於維先生載籍鑽研進塗所由棘
垣發觀造物聳牙歸與發歎成就後學多不可
殫臯比之功足配一官孰施無報玉樹芝蘭前
者已飛後將接翰顯揚有人以垂不朽

進士黃巖徐君墓表

成化丁未進士徐君良舉旣卒且塋矣御史陳
崇之轉致其仲氏鵬手書及知縣羅皆正所

銘請廉書其墓上之石崇之皆正暨廉皆與君
同年登科哀其入仕而未受職學成而不見用
有德而不求年皆同也廉於此固有不得以蕪
陋辭者矣君諱鶚字之氏舉號石田居士甫能言
母葛氏教以孝經論語隨口成誦八歲習舉子
業父習齋命作主忠信論有時文之士所不及
者十四歲以儒士應奉時提學僉事定菴張公
得所答策大驚意爲場屋老手及見其藐然童
子乃曰少年高科先儒以爲不幸因遺以楮墨
令歸就學年二十四以生員應舉預計偕未第

卒業南監三十一登丁未進士試政吏部未幾
疏乞養病吏部不聽其去屢格止之疏凡三上
乃得請又十一年而卒年止四十有二君於諸經
子史無不窺覽爲文章援筆立就群試有司咸
憚其敏處鄉校受業不考甚衆游國學祭酒思軒
王公於君特加獎誨退與比舍生祝萃輩講明
理學性至孝會試小師聞習齋訃躡踊哭泣水
漿不入口累日匍匐而奔喪營墓廬于墓下免
喪以母命乃出別居家居奉母甚謹作東山草
舍近習齋墓時時一至以撫其松楸臨終取習

蕭行實刪改付鵬必求祭酒方石謝公銘復爲絕
命詞悲其母老不及養聞者悲之徐氏偃王之後
居台州黃岩之西橋至其大父深之徒邑大禮
國朝前庚辰進士諱新爲御史以忤貴近左遷知
縣其曾大父云君娶高氏按察使璜之季女子男
一曰廣愛未免乳文二長適某次未行鵬之請文
也復錄示君所爲其惠山草舍記及鍾恭愍公
并送同年進士李文祥赴貶二詩記之言曰昌黎
於河陽墳墓猶嘗徃省而六一於隴岡遂終身不
復臨之讀之益見君一篤於孝而其詩文見君之

拳拳於忠義然恭愍重子定之後言之者固無罪矣
若文祥諸人當其行違縉紳皆畏入黨公言爲詩
以贈如君者殆亦無幾也君於此略無顧忌非所
見之有定乎後之人觀於此亦可以知君也若其
平生著作則有石田樹亭在

黃宜人羅氏墓誌銘

宜人諱某姓羅氏豐城官溪世家祖季立南京工
部營繕所正父寬仁母李氏宜人生而警敏自幼
閑女工作事有知慧笄而擇配得直軒黃公字瑩
之累官至廣東布政司左叅政而宜人以公貴

有今號初直軒公父贈臨洮府同知諱璇早喪
贈宜人劉氏孀居四十餘年宜人事之承顏色適
起居未嘗一日懈臨洮五子諸婦妙若長幼疏戚
闔門翕然以宜人之寬容惠和有以爲之率先也
直軒公自讀書領薦授臨洮同知轉肇慶知府至
今官所在皆炳炳烺烺大著勞績以及晚節純全
急流勇退宜人要有相道焉隨任臨洮時長官妻
或加陵忽侍婢在傍若不能堪宜人不少介于懷
居肇慶同官之妻頗致尊奉宜人愈自謙損顧謂
曩時婢曰官則有正佐有堂上首領之分妻豈可

如是而相臨哉人固有以此而待我者我不忍施
之人也素不喜華飾布裙蔬食甚能安之已貴視
未貴無異也至於款賓奉祭則務致豐潔直軒公
嘗作祠堂功甚鉅復置祭田若干畝宜人所以贊
成之者亦至惟曰當然無一語以及費至於周卹
親鄰所以勸導直軒公者惟恐不及無內外皆稱
其賢弘治壬戌十一月二十七日以疾卒遺言戒
諸子若婦以和順勤儉謂黃氏世以此道昌其家
其謹守勿替嗚呼信賢也已宜人春秋六十有九
子男三長勲次思邑庠生次憇女二壻徐振張泰

孫男五涇灌濟源滂女五思奉直軒公命來謁銘
蓋將以弘治甲子某月日塋于某鄉某里之原直
軒公於家君俱以鄉大夫結林下之會過從甚洽
而思又廩所交往義不容辭也乃按狀序之而銘
以詩曰我豐荷溪赫然黃宗光前啓後曰叅知公
誰其相之宜人之功自古皆興家國所同或勸樂
羊或助梁鴻若其大者姜原有娥宜人于黃竭力
盡忠始以致大卒圖保豐矣以知之語於臨終黃
之孫子其思無窮

教諭喻君墓誌銘

君諱士俊字士英喻姓養浩號也高祖東原曾祖
信甫世家瑞之高安國朝永樂中信甫任荆之
石首教諭因家焉今爲石首人父珍母王氏君兄
第四人行居三甫成童失怙賴母氏教育以成弘
治己酉以邑庠生領鄉薦會試下第入南監卒業
癸丑復會試名在乙榜欲得祿以養母乃就職教
諭虔之賴縣時母年已高不能扶持跋涉移俸于
家以供脩飴丁巳聞母喪解官守制服滿赴調庚
申改除豐城甲子秋九月十七日卒于官舍年五
十有二前後歷任僅七載在豐城亦嘗應壬戌會

試元三會試竟弗偶遂止於此元配王氏通判惟
叙之孫女所生男一人宗房孫男三人熙照煦繼
配孫氏檢討子敏之孫文君之卒也諸生無不哭
而哀之搢紳士無不惜之皆曰喻先生君子人也
今制教官以舉人有無爲毀最爲合條例以取進
士與否夫人才衆多之地雖倚席不講不害於有
號爲天荒者雖日督課之無益於無故凡所以坐
享其成者得弗擾之斯足矣如吾豐城是也何謂
擾之廩增之補吾無以啓爭費節之饋吾毋以贖
貨如是而已若君者是非處之以公取予持之以

廉直而有容制而能謙於權寵聲勢澹然無慕蓋
卓有士氣者也其爲人如此使久於官固成人有
德小子有造豈特弗擾之云乎哉君之遺孤將歸
其襯以塋于石首某鄉某里之原來泣而請銘是
可以不銘耶銘曰豫章計偕莫盛吾豐車載斗量
數不可窮奚俟於教自然有功博士修已教寓于
中無関銓部不係南宮原其設心與俗豈同大學
商賈之戒湖州置齋之風攀誰逸駕韓公胡公

陸君德崇墓誌銘

弘治癸亥春正月十一日陸君德崇以疾終于家

其子鄉貢進士時逖赴南雍領檄守制以在親表
乃持事狀抵予寓請銘予諾之未暇以爲明年予
得假歸省君之子邑庠生秋復偕時通來速銘誼
不可緩因序而銘之君諱燦字德崇別號守愚其
先撫之金谿人至宋朝奉大夫錫來居豫章豐城
之仙音巷是爲陸氏始遷之祖自是宦學有人君
祖 父備載母熊氏繼任氏君承先業比長不
別治生隱於城市日惟篤於教子嘗謂近時童蒙
之學不肯念書惟事蹴踘等操筆作無根語此公病
也乃課諸子以背誦或與之同讀或卧而聽之故

君蚤歲所讀書晚而益熟復得教子力也服御素
儉薄自以性然亦以示子姓歎其能然治家嚴婢
僕有小過不貸凡有所爲必以告人不隱所親愛
有慮其太直者輒諷之卒不變曰事不可言尚可
爲乎聞人急赴之恐後家有故券數十百紙得時
通秋試捷即聚而妻之火蓋好義之士云娶潘氏
爲賢內助子男三長即秋次稜次即時通孫男七
女二君生正統丁卯十一月之五日享年五十有
七臨屬纊猶以子若孫務學爲言言訖乃瞑葬之
所則某鄉某里之原塋之年月日則弘治甲子季

冬之某日也銘曰授人數數亦了文義昔稱教人
教子何異君少挾策容有疑滯庭訓以來尤得其
味於事孰密君以直致於家孰寬君以嚴治俗態
可憎百揔詭秘嘻嘻足憂高嗃鮮弊平生奚謀訓
後爲事迨至觀化所言靡二事在天下成于有志
壽雖未遐醵醵來裔才者孔多宜耀于世

木塔阡表

公諱伯齒姓萬氏梧州藤縣人曾祖某祖某父宗
銘母梁氏國朝洪武間以人材授建昌南城幕
職既而仕長官累謫海州塩場永樂初遇例行取

以至京後期再謫上林苑監良牧署之傳家庄及卒遂葬其地壽八十有五卒之年寔景泰丙子也配同邑明氏某人之女側室邵武李氏成都府經歷某之女男一子信贈監察御史女一適邵武林彥新俱系子出也孫男五長次次相知縣次

次祥按察僉事公初就仕以母梁在堂留妻胡以備養官南城被逮遣側室携林氏女依外家以藤遠不易達也時李有娠甫六月洎生男是為子信御史入北還鄉年二十矣李後亦卒塋邵武苑是御史劉爾富至京迎公制於法間關入閩迎李為

留戀女故俱不遂至成化戊戌僉憲以舉人百計
尋訪始得公骸以歸卜吉於木塘山之陽甲辰復
百計尋訪得李之骸以歸復卜吉于登洲之原僉
憲一日謂廉曰祥先祖南城公及先祖母李氏生
死流落萬里外久之始正首丘其爲我連書以表
之將銘于南城公之阡俾子孫得以考見焉僉憲
語此曲折往復甚悉聽之凄然不覺泪下固有不
忍於不吉者乃爲序之而繫以辭曰滕之萬宗詩
禮之族傳至南城幾絕而續南城北行初無健僕
女婦皇主臨別一哭遺腹半菴胤嗣未卜宅相有

徵佳兒乃育人之臧否天之禍福公心爲親仕以
得祿處卽於家以奉鼎鍊南城之網豈其自觸令
實致之細絲綆奚辱嘿受無詞薄俗所惑劊鹵之地
煎烹販鬻孰能忘起公無不足有 詔用之而亦
退縮而今而後一斥不復旅竟燕臺新塚傳曲魂
誰與招塚誰禁牧諸孫群然挺蘭競王其季憲臺
孝心純篤乃啓公棺天涯馳逐逐于蒼梧木塘之
麓爰及於李遷自甌服百年飄飄一旦聯屬天佑
善人匪遲之而速墓道刻辭過者當肅

封南京刑部主事上高簡公墓誌銘

卽中簡德馨聞訃考封承德卽南京刑部主事公
之訃也予往弔之泣且謂曰吾父性不飲酒而忽
病疴吾爲此慮已於五月十三日具疏乞歸省而
吾父以是日卒于家已矣無及矣尚何言哉旣而
德馨持其同寅周主事仲鳴所狀行實屬予以銘
予知德馨者誼不得而辭焉按簡之先世趙宋時
自蜀官永州因家高安之鵠城里聚族益大復分
居上高之車溪其後以成生友諒友諒生伯隆伯
從伯倫伯隆生孟常立爲伯從後孟常生惟敏惟
敏娶聶氏生昇明昇璵昇璣昇璣公字也諱鯨以

字行自幼嗜讀書作字有楷法及長無仕進意竟
隱淪以至於老年六十一偕配黃安人始受封以
德馨考最恩乃弘治壬戌歲也先是上高令重
公行誼當舉鄉飲庭謂簡隱君居鄉二十年不入
城市矣宜禮以爲賓馳書赴隴雅意堅辭之已而
謂令一謝至則嘿然端坐無一語及他事旣去令
歎息曰此老真不愧古人也與二元同爨甚久有
無共之經營生產絕無汝我從父推官惟範邊幅
修整人難親近每見公獨降顏色爲笑談移日而
公亦事之愈謹處鄉黨和而不苟貧乏稱貸者恒

損其息有忿爭者多造請以質其平得其曉諭亦
即解散不復終訟其爲人所倚重多類此生正統
壬戌六月二十七日而歿則弘治乙丑享年六十
有四黃安人同邑宦族女賢而勤儉事紡績不輟
結髮至老相敬如賓男子六長芳即德馨起家進
士累轉南京刑部郎中次蕃邑庠生次芝蘭蕙萱
俱克家女子一壻黃賦心孫男十四人浩沛溥滂
沾涉洗湘涿灌漑匯澧瀆文三人長適沈才志餘
未行德馨等將以 年 月 日奉塋于其里某
山之陽寔公存時所擇蓋吉兆云公始冠喪父竭

力以事毋爲人劄介居家嚴厲延師教子雖甚費
不惜自德馨官刑曹輒貽書戒之曰吾門素守清
儉汝當持此無改也諸孫在官下者每囑其必請
舉人之有實學者爲師然則公之所以望其子若
孫者固已遠矣而德馨學行卓然在法家確持廉
平人知其有所自也公可以不銘乎銘曰弗復城
府鹿門遐踪匪事籛金帛相高風從宦喜貧玄馭
即中有三善焉偉哉簡公壽不滿德厥後益隆寵
榮晚加義方之功維鈞多山氣脉此鍾千古閎藏
有寧一宮

封南京大理寺左評事鄒公墓誌銘

封文林郎南京大理寺左評事鄒公者左寺正恢才之父也年七十九以正德改元春正月十一日卒于家恢才聞訃哀慟之餘且謀所以襄大事者於是持卽中周君伯承所爲狀徵廉爲之銘廉與恢才敦鄉曲交徃之誼蓋有不得而辭者公諱沛字思傑以字行號毅軒宋侍御史望龍之裔始由撫之埃坪遷吉永豐再由永豐遷安福今爲安福人世以詩禮相承至處士竹坡允銳志於學生公甫三歲而卒母謝氏撫公成立初學舉子業既而

嘆曰吾母殷憂吾節乃有今日吾可遠離以求仕
進乎且吾聞之養不在祿惟在於善而養志者抑
豈必寵榮聲利為哉遂隱居教授鄉里謂事親不
可以不知醫每遇母疾檢閱醫方審察脉理至於
烹粉藥石調節食飲竭盡心力其後執喪毀瘠對
甚嘗主鄉稅出入人多德之縣吏亦無過呼之勞
恢才素受家庭之學一日謂之曰先正以春秋一
經學之者能處大事決大疑小子其外學春秋於
是惟公命之聽而少叅劉君景主則恢才嘗從游
以學春秋者也恢才嘗小試居首頰色喜公厲聲

曰顧可以此而目足乎恢才慚懼退愈奮勵父之
領乙卯鄉薦登丙辰進士第公之教授凡爲學者
講說章分句析必盡其才而由其誠嘗作切要訓
頑詩以化導鄉族通周易書字得楷法晚年於先
祠奉祀益謹於親隣未嘗廢燕集然有司鄉飲敦
請竟不能致其郡中以子貴生封及春秋高如公
者殆不多見也娶歐陽氏封孺人德足以配公子
男四長賢郎恢才其爲迂評參駁刑名最得體蓋
學春秋之驗次質次贊次貴貴邑庠生亦治春秋
女二俱適名家孫男八守泰守豐守益某某某

某守益在恢才任方成童即以穎異聞搢紳皆奇
之女五長適鄉貢進士王珍餘幼恢才謂廉以公
之葬擇某年月日地則某鄉某里之原乃叙而爲
之銘俾刻之幽堂銘曰公隱以親公貴以子若齒
與德人鮮克擬養素尚義天語在耳予言弗徵是
徵于此

仁義塚碑

事有過乎中庸而實出于天理民彝之大聞之足
以使人興起者予於費氏子濮氏女見之矣正德
丁卯夏六月之九旦賀氏子聞二弟同溺於池時

方食即投箸奔救之而二弟者俱脫於難矣自以
氣匱力絕竟沉而死計聞于所聘濮氏女泣且嘆
曰業以許之矣不幸有此復誰許耶即潛入寢室
以自經死並葬于西山之陽滁之人以費氏子死
于仁濮氏女死于義號其塚曰仁義塚且謁予以
書其塚上之碑夫拯溺思以全弟而未思與已俱
全之術其於格物處事不亦有未盡者乎然當此
之時惟知有其弟而不知有其身惟知同氣之當
援而不知深淵之難倘以好仁之過者也至於笄
而字焉固未嘗備六禮而于歸也方之醢而合葬

食而共牢有間矣而遂爲之以死焉此守義之過者也所謂事有過乎中庸者此也嗚呼中庸之行鮮矣所望於世者與其不及寧爲其過譬之防焉雖傷於高猶不害乎足以遏橫流之勢爲其不及防壞而且決焉復何責哉復何賴哉予於二人之事因不辭而書之以竊附于楚詞取屈原之沉身小學取夏侯文之截耳鄧伯道之存姪與夫史氏取王凝妻斷臂之義焉蓋二人之事雖不可以爲法然使世之漠然於兄弟之急難而孀居歆改節者聞之豈不有所感發而興起於固有之善哉是

其關於風化爲不小矣賀氏子名愚滁州衛百戶
費某之適子年二十一漢氏女名貞滌士人漢劉
之季女年二十二銘曰人之爲人以有仁義性
原于天不齊者氣在古教人復性爲事後世不然
奚有善治惟茲秉彝堯桀無異軻也善之其有所
試四端無根何以至是彼荀曰惡其辨孔蔽請觀
二人始出幼稚豈盡由乎天性所致嗚呼奇哉得
之豈易何以奇之綱常之計琢石刻詞昭于百世

慈谿楊府君墓表

驗封員外郎慈谿楊名父以其先大父事狀并書

以告廉曰子器先祖葬高祖宣教府君墓下逾五
十年未有片石表之以先父所以臨終猶惓惓也
子器忝在年末敢用奉瀆廉與名父交誼最厚有
不得以淺陋辭者按狀府君諱佶字公問行四籍
名濟其生之年月日四干皆屬己星命家異之性
敏闇狀貌偉然少讀經史一涉即了大義工草草
行書復能左手作大字有巧思繪塑剪綴鏤刻鼓
鑄之類不學而能風晨月夕每彈琴自怡嘗於地
中得古琴長四尺名雷天雷時一鼓之響徹寥廓
自製短簫如龍狀名幽官愁酒酣輒吹之正統初

以言筭選充稅長乃嘆曰豈有驅用世材而奔走
於是耶時可以助公者雖傾囊不之惜先是在法
編鹽官者不得以他途就功名府君恨不如願悵
悵得心疾或作或止數年而卒卒時天順己卯歲
也卒而為神能作禍福有見其乘馬執戈入顏某
舍其人即暴死風雨晦冥境上人不敢獨行鄉里
有祭祀祈禱必為之設饌一分以至請仙扶鵞輒
依馮署姓字堂戶間其風肅然竦人毛骨邑中耄
倪皆能道其事娶文奚周氏別室洪氏生三男一
女狀名父著定不誣即是而觀府君絕類晉宋間

人夫以桓野王之笛祖暉之之筭嵇叔夜之鍛與
琴當其樂之旁若無人不知天壤間何者可以易
此要之皆負其奇氣而假是以發之者也府君其
亦負其奇氣而有所假焉以發者與抑人之負奇
氣者其稟受自當有異安知其非用物宏而取精
多乎其死而氣猶未散亦理之所有者狀中有謂
府君臨終起書廳壁曰某孝順必有報蓋某其中
子而名父之父也府君卒若干年名父起家進士
有位於朝文學政事識趣風節為時名流其父
亦以名父作邑時贈官文林郎常熟知縣則府君

之言驗矣用表於墓道使譚其事者有定論焉

寧國府知府芝軒涂先生墓誌銘

先生諱觀字恒孚別號芝軒姓涂氏其上世自宋
以來居豐城邑孚豐城遷自新吳新吳今奉新也
元季諱牒罹兵燹先生高祖以上逸其名系曾祖文
德祖國昇考永載封監察御史疎爽不群嘗築草堂
極力延師以教諸子長謙登商輅榜進士官至貴州
按察使次訓四川綿竹訓導又次爲先生登王一瓊榜
進士歷任南京吏部驗封主事考功文選郎中
出知衢州寧國府事致仕後詔進階中憲大夫

今上即位 詔進階中大夫先生在考功別
白賢否人以為明當考察南京庶僚力與本部侍
郎章公綸爭可否既連署以上章公復別疏請汰
十^餘 憲廟命廷臣葉公盛覆覈之卒從前以先
生所執為是在衢州寧國政尚寬平見州縣吏以
深刻生事取声名輒不謂然二郡雖未久任而田
野細民無不安之感其惠至今寧國之人尤德之
有解倒懸之謠初宦即迎二親就養既而欲歸不
可留朝夕動望雲之思未幾懇告歸省抵家甫閱
月而御史公卒妣封太孺人高氏年九十餘病目

於時爲之抱持坐起卒於衢州官舍人謂先生
雖官特於父毋皆得親嘗藥餌躬視飯含以爲至
孝所感憲使司訓並不壽敬奉嫂氏撫其諸孤晚
歲與季弟篤愛愛先生立心坦易善於任真雖面
折人人不爲忤至退而後言亦曰先生直人也明
農以來吟詩飲酒之懷陶然自適家人生產絕口
不問雖日不暇給而處之裕如至於族姻朋舊有
婚喪告急者助之惟恐或後稍存贏餘所志不在
焉先生於諸經往往涉獵其精專在易於史書上
下三千年事記憶皆有首尾詩才文筆得之甚易

類流麗洒落文從字順以爲酬應之作不復存稿
所著惟六書音義正統世年表行于世登年所爲
舉子易義塲屋之士多傳寫遞鈔登其門以取科
第者指不勝偃其諸子相繼錄有司策 大廷皆
自教成固未嘗問外人也先生春秋八十以正德
元年正月廿五日考終正寢男女十人元配贈恭
人徐氏生昇以戊戌進士歷官監察御史廣東按
察副使旦以丁未進士歷官都給事中雲南右布
政使早長殤繼配贈恭人朱氏生景鄉進士晏邑
庠生女一適鄭時側室丘氏生旭邑庠生後先生

二月卒女三一適生員李宗儒一適陸時達一許
鄒孫男十五人相楫植朴楫林杠栻柯柱格柳
桂楹核曾孫男二人將以卒之年 月 日

奉塋于

先事憲副具先生家世功

業學行梗既移書南京屬秋官主事江朝會爲狀
屬廉爲銘廉弱冠嘗從先生學舉子業一見所爲
文輒加賞異追惟疇昔誼不可辭謹以憲副所述
秋官所狀附以廉所見聞序次如右而未繫以銘
銘曰嗚呼先生時露其剛孰謂當爭而畏卽堂兩
典大郎不曜其長閭閻樂生頌聲洋洋俸資所入

隨手散去問舍求田弗置念慮歸來詩酒柴桑真
趣課罷兒孫時有述著鴈行天飛先者竟先獨有
先生眉壽歸然更翰鳳毛雲翮聯翩一門之盛繼
者綿綿匪直顯榮寔有宦績有如先生才弗勝德
惟山近孤吉協著策氣聚風藏終古幽宅

甘孺人李氏墓誌銘

孺人諱毓清姓李氏豐城湖茫人隱士叔茂之女
無錫知縣叔蘭之從女也母陳氏年十九歸邑郭
甘君召智歸十三年召智卒遂守節以終其身始
生男孟陲三歲而天繼生恢父卒方四歲稍長從

其叔父召聖先生受易學治舉子業今爲掾亦漸
有官矣女休貞嫁爲上坊陳烈妻嫁二年而卒恢
娶荷塘袁氏孫男慶壽女朝英其故儒家世守清
白孺人嫺居耐齏鹽而奉舅姑極滋味姑吳孺人
卧病親自扶抱日夜視湯藥不少怠平居紡績以
供子女衣服於恢尤力勉之學惟慮其無父而失
教常語之曰汝父臨終遺言託我奉事汝祖父母
長育訓誨汝等又謂汝祖雖嘗宦然祿入薄渠當
家不欲爲私積倘即死宜益堅其志吾已泣而許
之矣今言猶在耳汝等當知汝父之意緣是恢亦

感奮恢掾清江迎孺人以就養考滿當赴京師
念無它兄弟侍旁欲不往孺人不可且諄諄諭以
忠孝恢乃行每移書輒戒之曰慎毋以我故遠慮
惟當愛護汝兒則愈於念我矣其於子若孫拳拳
類如此孺人卒于弘治甲寅九月二十四日距其
生宣德己酉十二月二十七日春秋六十有六其
稱未亡人者三十有六年卒之日恢尚留京師
恢之諸叔父皆儒者其治喪悉用朱子家禮恢奔
訃南還子往吊之儼然衰服亦可謂知禮矣卜以
卒之明年某月日奉壙窆于邑之登僊鄉一都雲

家洲之原先事恢偕其叔父召義來徵銘嗚呼若
孺人者是宜銘銘曰國之忠臣家之節嬭惟茲孺
人風教之助曷以昭之大書其墓

楊文恪公文集卷五十四

楊文恪公文集卷五十五

碑誌

主簿孫君墓志銘

君諱慶字元吉以長沙縣主簿致仕之明年戊辰
春二月一日卒于家是年冬十一月之八日葬于
縣治一里神霄宮橋東北之原距橋十餘步墓門
申向先事于銘其子舉人繹爲狀孫天祿持以
請予識舉人天祿又往來受學不得辭孫氏之先
清河人至君之曾祖興當元末國初携家避兵
居來安之董家下乳家力耕桑與生君之祖遇遇

生君之考貴兄弟三人貴娶顧氏生四子繼娶程氏生五子而子孫益蕃衍列第分居矣君行四居邑市初以考命業儒治詩經旣而屢屈塲屋成化乙未由縣庠廩膳生應貢升國學弘治丙辰試詮曹奏授長沙縣主簿居官有治才遇事明決當爭訟紛糾或無左驗以數言折之衆皆驚服邑號煩劇君精神過人爲之復敏且勤真若不足爲者在任久得士夫田野之心去猶人思之喜治生莊園之盛蓋自其未宦時而已然矣旣宦無所增也平生孝友善事繼母處兄弟怡怡如也宗族交親遇

之皆盡情賓至迄欸無倦間令諸孫歌詩以侑觴
天祿少穎異甚愛之每聽其歌詩一終輒撫掌大
笑爲樂在長沙上下信之惟丞有愴壬某者不相
得若水火然君生而氣體豐碩動止莊重方將窮
暮年之樂竟以疝疾不起得年六十有四正統乙
丑六月八日其始生也配陳氏子男五人

繹

應天壬子舉人

繼早卒統陰陽訓術

經生員

紹女之婿太學生周岐生員劉璣姚鳶官舍劉
祀孫男七人天爵天祿俱生員天琪天璉天瓊天
璠天定女七人曾孫女一人銘曰程簿在鄴能化

監官君僚匪人絕不交惟萬年朱簿號曰明鏡君
心洞然下情必盡二簿何人夫誰敢當有一於此
才器之良來安之孫宦自君始君後有人有孫有
子圮橋之原亦旣卜之樂哉茲立夫復何疑

封太孺人戴母金氏墓誌銘

南京大理寺寺副戴君喪其母太孺人金氏遣其
子來滁上謁予公寓請銘旣狀且書書之辭曰孤
不天先君背弃若干年始領鄉薦又八年爲弘治
壬戌始登進士第授南京大理寺評事歸迎先母
就養以踰江漢犯風濤不微今上嗣位覃恩贈

先君南京大理寺評事封先母太孺人益深霜露之感益增烏鳥之私不意先母竟卒于正德戊辰十一月之二十日終天之恨尚忍言哉先母之賢非文字無以詔後人敢以爲託予於寺副君相聞舊矣而友人王評事叙之書亦至有不得而辭者乃按狀序而銘之太孺人諱某世家鄂之崇陽祖諱某父諱某母潘氏蚤以擇配難其人踰笄歸評事公諱某戴與金同邑當太孺人初嬪時尊童惟繼姑丁在猶未傳妯娌今日執中饋太孺人在衆中皆優待之然未嘗以便安自適奉繼姑尤得其

意此其爲婦也。評事公家庭間性任直不委曲有弗率者必嚴治之。或乘怒不無少過輒爲調護開釋跡雖不越房閨而籌度外事皆當裨補極多此其爲妻也。評事公初娶曾遺男女多在襁褓者皆長育婚嫁之諸孫與太宜人所生男年相上下衣服飲食提攜教愛視之惟均。至於寺副君遊鄉校購地築室爲讀書藏脩之所皆出其區畫他而鎖碎資給又弗論也。此其爲母也太孺人有治事才一錢一帛率手操心記而出納節縮之先祠享嘗之奉賓筵肴醪之需皆臨事有備不至缺乏平生

績織紵早作夜息服飾惟喜布素不尚華縵其
誨子孫必曰稱實不能償者毋併人之產且歷舉
其鄉之起暴而覆不旋踵者以爲戒恒曰爲人子
者要以守身爲重毋貽父母羞以其內政與家教
也其生宣德辛亥八月二十九日享年七十有八
男璉女適某某前出男書即寺副君刑名詳練旣
仕益進進於文學璉醫學訓科女適某某大孺人
出孫男曰文曰武省祭官曰某邑庠生乃請銘者
曰某曰某女幾曾孫男三人先是評事公歿且葬
者十有七年矣茲不及祔乃卜某鄉某里之原於

卒之年某月日奉柩窆焉嗚呼閨門女德生民之
原王化之本經書論齊治者必先之有如太孺人
尚可以不銘耶銘曰續於後無分於前爲於內不
遺乎外揆家之典厥有曰最母之賢此其大

副使錢公墓志銘

子每病時才之偏俗學之陋而於憲副錢公則心
所竊敬焉公司風憲刑名不專於擊搏訊讞於凡
利民之事輒勇爲之多出於常格之外雖良牧守
有不能舉其所建立之一二者公之學術不重於
治經若象緯災譴卜筮筭數與夫邵子經世之

書公之事茲不厭煩曷以永之記諸貞珉

黃君順模墓志銘

予少嘗侍先君訪栢厓黃先生知其受學康齋是
聘君心竊識之旣而得讀先生所爲詩音響格調
異於尋常所見鄉之人之爲詩者心竊慕之時方
習爲程試之文而於先生所得於康齋者猶未能
窺其涯涘也先生捐館舍久之見其子順模君守
其家教益篤而復以其餘力經營資產富甲里閭
又久之見其孫綿等皆孳孳學問並秀競爽儕輩
咸推先之場屋聲燁々然起於是益信栢厓先生

之養高蓄德鬱而未施者固於以乎在正德丁卯十一月晦日順模君卒綿等將葬于某鄉某里之原君嘗用堪輿家說預卜地數處至是徧瘞以穀視其生意以驗地之善否茲地乃其驗之善者哉諏正德己巳某月某日襄事綿自為狀率群季來徵銘予在親且故誼不得辭按狀君諱範字順模別號木齋豐城人世居邑郭之廣益門稱城上黃氏族舊而蕃宦學相繼君高祖性道曾祖伯彰祖叔度父季揚栢厓其隱跡也嫡母涂氏生母曾氏君自幼有智慧嘗同群兒浴一兒失足深水中衆

方驚愕無措獨取長竹以援之見自經者亟走抱
之令人徐解其縣識者已覘其不凡矣比長思奮
以冀効用於時竟爲家務所奪君勤而不爲勞儉
而恥爲膏田園旣廣而沿山弥嶺教樹竹木皆有
法當歲侵發廩濟飢恒合藥以待病者尤厚於宗
族喜談范文正義田故事讀錢公輔所爲記輒嘆
曰顧力不及耳則其志可知已與人交語必傾倒
無留藏重然諾忠信可仗嘗有持三百金無所於
託僉曰匪君不可遂之君其見信於人多類以鄉
有某盜其山之木者爲守望所獲即命釋之某及

門謁謝却之曰吾愧無陳大丘之絹以遺汝况受汝餽耶其感悟卒改行初爲邑令舉亭長不屑就後舉董治河隄慨然不復辭或問之謂亭長以別齊民曲直令不飾簞簋不可與有爲河隄成則一邑可免於蕩析昏墊是可爲也居栢厓喪哀痛毀瘠時夢哭而覺二母氏年皆八十孝敬無間好接引族之子姪不專於嚴厲時見其和使人樂親之有片善獎與不容口否則規戒甚懇切矣親不用浮屠一遵朱子禮族有祠堂極力維持不啻其私室也君生于正統丁卯二月十九日享年六十

有一娶甘棠涂氏男四人綿紹俱邑庠生統有
舉才統儒士其取青紫者信拾芥耳孫男三人勝
肫肫孫女四人君性坦直間撓之不為隱忍受平
居不求甚異而質樸之風自存要不混於流俗承
栢厓先生之訓經書外誦家語甚習嗚呼今人為
舉業則始學君挾策讀書不為舉業富者重財若
樂施予至其好禮敦行皆自讀書中來可謂鄉之
善士矣是宜銘銘曰氣聚而生氣散而死山盤水
迴君宅于此得為善士亦可以已森森諸郎學在
人齒墀墓之光不遠伊邇

龔君似玉墓志銘

予蚤游縣庠時鄒社龔氏曰騏曰環皆同遊焉茲環之子某亦縣庠生爲請銘其叔父之墓偕其弟果以來前此以朱君瑛在親友間旣爲之先焉至是果出所自爲狀且謂予果不幸先君於今正德己巳四月九日弃諸孤其生則景泰乙亥九月二十有三日得年才五十又五耳先君事祖父母孝處伯叔父友平生所積多以賙卹爲心貸而窶者損其息窶而甚者裂其券一日遇寒東入於路即呼至家以衣授之見道殣嘗爲之撻坎而瘞焉

心可謂仁矣而年止於是何天道之難謀耶襄事
有日願先生其惠之銘以爲先君不朽計予不得
辭焉龍氏世家豐城初居李坊至當塗丞曰景淵
遷鄒社而鄒社龔氏之名著於邑舊矣元至正癸
巳曰賢以明經舉於鄉則君之從高祖也曾祖士
儀祖秉圭連不仕父貴嘗被薦弗就舉其從祖仕
麟以代仕麟後爲遼東義州衛倉使不隳其職人
謂其內舉之公配侯塘黎氏有五丈夫子環其三
君其四君自幼讀書及長志在科第後棄去高考
槃在澗之風居常無事陰陽歷卜之書無不涉獵

喜施予雖釋子道流之居苟有修葺之干亦往往
應之或謂君富而易爲惠而不愆非求福田利益
也君子以爲然君諱瑀字似玉嘗以敦厚名齊因
以爲跽娶蓮橋徐氏知州冕之女有賢德男二長
即杲徐出娶朱氏瑛之孫女也次曆側室張出娶
羅氏孫女二俱幼君之葬越卒之七日望是爲十
一月之六日葬之地在王舍新莊之祖離首戌趾
辰其方位也銘曰人之爲善諸福之門不在其身
在其子孫好施如君宜享高壽薄取於天將遺其
後新莊我義龍義氏之阡旣固旣安歷世綿綿

光祿寺少卿質軒丁公墓志銘

公諱練字質純姓丁氏號質軒豐城沙湖人丁氏
入國朝登進士至公凡四人爲升朝官累遷焉
蓋世宦大家也曾祖維南太僕寺丞祖秉和以舉
人署學事仕終建寧郡博父元輝知名諸公間韓
都御史雍陳御史選按治江右皆愛其才屢試藝
苑竟弗偶晚節隱淪以公貴累贈至工部員外郎
母徐氏封太安人贈宜人公成化甲午舉於鄉戊
戌亞魁南省主司錄其文以獻擢進士第出知嚴
之淳安縣勞心愛人孚於上下以三事稱尋徵入

爲祠部主事轉員外郎以內艱去服除改工部員
外郎嘗征權荆湖人稱其平嘗奉命送壽王
之國事集而人不知擾署令七載一考察京職或
挾私短公徐司空貫昌言於朝曰丁質純當於古
人中求之論遂定弘治庚申冬公年六十有七即
上章乞休吏部請獎恬退詔進公光祿寺少卿
致仕蓋異數也明年後七月丙申卒達家甫三月
人謂公進退以禮且知命云公配蔣氏累封至宜
人子男二長希瀛次希尹國子生女五俱適士人
孫男八揀邑庠生桂楫揀本未榜木女二公墓在

長樂鄉上坑之原窆之年則正德己巳月季冬日
二十其生之年正統甲寅月季夏日二十七公書
無不讀性尤強記邇人疇昔之歲胥會於南京張
燈燕坐偶相與談白鹿洞故事公誦晦菴所爲洞
賦首尾不遺一字予僅能和其數段如明誠敬義
及輯之亂之類耳蓋公於他書往往皆然非偶熟
此爲然嗚呼公予友也狀公行者亦予友前檢討
范廷和也予三人自游邑庠至登朝雖有後先
而未始不同時今二公俱不作矣按狀綴銘其爲
感愴當何如也銘曰官政旣成兮猶弗逮其學之

名孰謂今人号乃有得於古之評其知止之風号
諒非好爵之能嬰後欲求公号其視諸斯銘

封南京大理寺評事張公贈孺人程氏墓志

銘

封評事公諱思佐字惟忠姓張氏先世有名徽者
居婺源之甲道至四鉅族傳至十六世曰友隆遷歙
之邵川二十二世曰常德徙鳳池巖二十三世曰
寄安徙定潭寄安生繼祖繼祖生洪觀是爲公大
父父也母莊氏公性質朴溫恭與物無競少喜讀
書自四書春秋以至歷代史無不涉獵有司以應

舉挫之爲母老且疾不欲赴侍奉之暇坐石看雲
臨溪垂釣自號定川漁隱云公甫成立洪觀即下
世哀毀倍常喪葬如禮凡治家之法待賓之禮歲
時祭饗之儀一循其舊或議時俗不同人情亦異
不必膠柱如此公遜謝而已未嘗有所改也至於
祖父故舊見尊禮之雖久不替尤竭力以事母母
晚歲喪明朝夕奉養未嘗遠離弟思輔稚弱公撫
之曰父歿而弟幼其責在我不以吾父愛子之心
愛弟何以慰吾父於地下耶爲之冠婚而訓誨之
仲父馮觀子多而或匱公資之無所靳事仲父若

父如是者三十年不少變尤篤於教子於士銓士
鎬則分授以周易春秋於士鎮則俾之經理庶務
嘗命士鎮結屋故居鳳巖之下扁曰鳳巖別業每
戒士鎬讀書不可草草放過一日見丘學士大學
衍義補謂此經世之書有志於效用者不可不熟
講也故士鎬之學發其大端多得之過庭不可誣
也公配程孺人相待如賓友沒不更娶平生自處
儉約衣不重采食不兼味重然諾解人之難恤人
之孤其性然也正德辛未士鎬舉進士授官大理
評事公遺之書曰居官之法當以呂舍人三事為

本壬申士鎬疏乞改官南京以便養公至首以法
家最忌深文爲言乙亥士鎬奏最錫命封公

爲南京大理寺左寺左評事程氏爲孺人則追贈
也公素不入城府至是始以鄉飲一出獻酬之際
拜與中度揖讓有容主僕咸喜尤以得見之晚爲
恨程孺人歛之舊家女程祖忠壯公孺人之父寬
克脩儒行孺人有淑質女紅罔一不能父鍾愛之
旣長擇所偶乃歸封評事公宗族賀得賢婦性勤
儉尤重家祭尊壘器必先日躬滌慶弔往來之禮
豐歉隨宜初未有子日以門祚爲憂勸夫納側室

戴氏果生子士銓其後乃生子士鎮士鎬三子者
教愛惟均人不知士銓爲出於戴士鎮士鎬爲出
於已也與叔妙潘同居廿餘年終其身無間言姑
雖喪明孺人相啓處供甘旨甚得其歡心封評事
公生正統己巳五月二十七日卒正德乙亥十二
月十三日壽六十七程孺人與封評事公生同庚
後月是爲六月二十日卒先十一年是爲弘治乙
丑正月二十九日壽五十七男三長郎士銓仲郎
士鎮季郎士鎬女一壻礪溪方孫男六齊鳴齊
慶齊壽齊登齊元齊美女四一適礪溪方元湛一

許邇城東程祥餘幼未字程孺人之卒葬于五溪
山至是將啓壙合葬于某山之陽士鎬介楊御之
必進潘寺正鑑以大司徒胡公永年所爲狀來干
銘乃序次其狀且銘焉銘曰子之職莫大乎難能
而終身不仕婦之善莫大於不妬不妬而蕃人之
嗣曰封與贈兮寔同德之所致寵榮方來兮尚觀
衆高之賁

羅母李孺人墓志銘

羅生式致其從叔父巡檢君之言曰孤等於正德
庚午十二月二十日奉我先妣以襄大事冀先生

其為之銘遂出太守甘君廷望所為狀授予羅氏
世契且姻也誼不容辭孺人諱善姓李氏豐城小
塘里人太尹元愷弟靜愷之女也靜愷有隱德配
吳氏生孺人年二十歸同邑荷塘羅公諱綱字慶
維公自少漸濡家庭宦學之懿即惆儻有為為時
傑特晚號蘭軒孺人歸四十六年而蘭軒卒又二
十九年而卒壽至是九十有三孺人始終皆丁羅
氏全盛時然所以增其盛在孺人寔有焉孺人生
故族幼開女師之教性聰慧父母愛之為慎所歸
得蘭軒時蘭軒父母伯父母同居合巹長少無

慮數千指孺人事上使下皆得其宜其大者蘋藻
之奉滫瀡之供既潔且虔而羅氏賓姻往來饋燕
周脩一時所推讓孺人爲之於內井然有條其相
夫教子舉盡其道可謂賢也已所生男三曰義民
袍先孺人卒曰補曰褐即巡檢女一壻吳義孫男
六僮仆伊代健侯什代公府從事伊健侯邑庠生
曾孫男十三人曾國子生某某某某某某某某
某某某某玄孫一人山孺人之生以求樂乙未六
月二十九日卒以正德丁卯八月十五日先是蘭
軒葬鄉之樓前石畔山今祔于其左式再至速銘

且曰式伯祖母積而能施予待子孫輩禮節賢否
異詳略有涇渭式舊從子學今爲掾京師諸所評
論多當此孺人之賢尤不易得也孺人旣卒之又
明年予嘗即其堂殯拜且弔焉茲又銘之銘曰維
昔蘭軒安厝于此孺人祔之並歷卜祀

監察御史能君墓志銘

正德初元以來四五年間奸人劉瑾用事黨論驟
起大小臣僚同日勒令致仕者若干人而監察御
史能君士選與焉君謝事歸鄉里日讀所未讀書
練詩工文欽造古作者之域不但已也歲遇長至

正旦 萬壽三大節雖疾病未至不能拜起必赴
縣庭行禮此外於公門則未嘗一造焉正德己巳
十二月二十八日卒于家君舊嘗患虛弱至是復
作遂不愈明年 天子總攬權綱 朝政清明有
發奸人事者立殛于市向之屏棄者漸次收用而
君不待矣君諱卓士選其字號東溪姓熊氏世家
豐城之曲江高祖仁可曾祖用善祖若璣連世隱
居不求仕進父楚材封監察御史母彭氏封太孺
人君自幼穎悟不凡十歲作近体詩族叔祖某見
而奇之且謂師村學究爲對偶聲律非所習也乃

授以經學舉業久之補邑庠生弘治乙卯領江西鄉薦明年丙辰南省中式遂擢進士第年三十三矣戊午出爲平湖知縣政尚豈弟不以幹集嚴猛爲能人樂簡靜之治矣亥擢監察御史立朝務持大体值雷震養鷹房疏陳時事上嘉納之奉勅勞軍居庸關置所齎內帑于前取尺籍呼名給之故事皆委之師上丁乾沒至是三軍之士歡逾挾纊皆舉手加額曰今日乃沾朝廷實惠也陝西巡按御史奏邊將都督贓已經勘明黃緣內外連年在鎮擁兵自如適居署掌陝西道即條奏其

爭卒逮至京師下御史獄論如法權貴爲之請託
竟不聽巡按廣東訴寃者人人皆得至前入境二
日收訟牒盈數篋風聲所被豪強股栗下僚貪汙
有望風遁去者惜居埋輪省城未及旬日即致仕
以去耳君平生守廉在平湖糧長陶信若懷暮夜
之金責而遣之自後清名益著苞苴無敢及門者
致仕家居時巡按王御史待君最厚諸求脫罪者
貨賄狼籍百計懇君峻拒之衆謂公非居官時
何執乃爾君笑曰吾此心果有居官與否異耶君
爲御史左都御史張公敷華最器重之事多商略

張公方嚴疾惡不可忤以私小人側目故黨人姓名如張公輩率皆首列在君爲得而不及哉君事父母洎伯父甚謹飲食必非先御不敢食與兄弟子姪絕甘分少待宗族有恩意恒以入仕俸薄在職未久不能如古人所謂足以仁其三族者爲歟焉君卒時年四十有七取妻戴氏封孺人生一男子曰桂邑庠生一女子適一里中孫翁京衛經歷本之子桂將以年口月葬君于某鄉某里之原先事具狀致君遺命來請銘予尚忍不銘乃序以爲誌而系之銘銘曰郡縣之職惠愛爲先基諫之任

正直爲賢若歷兩官孰謂不然偶遭一時奸人作
慝不幸善類淫利遠斥奸人伊何害甚弘石漢有
黨錮宋有黨碑虎狼蛇虺何代無之君在黨中其
人可知驟雨飄風須臾倏忽雲掃長空皎然杲日
方將起君賸志以沒苟有所立不生而存何以處
君漢宋諸人此筆銘之異世永聞

楊文恪公文集卷五十五